



# BESCHREIBUNG VON DER ORDNUNG, VND ZIERATEN DER CALOMNEN

## I Ò N I C A .



Leich wie die Calomno *Dorica* genummen ist / nach der proportion vnd formm et-  
nes manns / desgleichen ist diese *Ionica* gemacht nach die form einer frauwen / so sie  
auch den fuß kleiner haben / ist ihnen also den *Diameter* der Calomnen auch dünner  
vnd rahner gemacht / diese Calomne *Ionica* würd in gemein gmacht von acht theillen  
in der höhe / nach der dickhe von vnden mitt die *Basis* vnnnd *Capitell*. *Vitruvius* meldet  
von acht theillen vnnnd ein halben / man macht sie auch wol von neünthail / &c.

Vnnnd mehr nach dem der *Architect* (mit ordie) güt dunckt / dann ich sag vor ein gemeinen Regel  
die *Base* seig von das halb der Calomnen dickhe / das *Plinthus* davon muß haben ein dritteil den rest in  
siebne getheilt / wahr von drey das *Thorus* geben wurde / vnd die vier bleiben fur die zwey *Schotien*,  
oder *Trochillen*, mitt den *Astralagen*, die *Astralagi* solten das achste theil von die *Trochillen* sein / die  
eckhen oder bendlyn das virththeil des *Trochilli*, de *Schotien* beide werden gemacht van einer höhe /  
die *Projecture* werd an yede seite / das achste vnnnd sechs zehnde theil sein / also sol das *Plinthus* auch  
das vierte vnnnd achste theil mehrder sein / an allen seiten wie die dickhe der Calomnen von vnder /  
die *Cincta* oder listte vnder das *Thorus*, (von *Vitruvius Supercilium* genennet) also die (durch die größe  
vnd dickhe des *Thorus* verdruct würd / dunckt es mir güt, die vmb halb bratter zu machen dan die  
ander, dann als die Calomne *Basis*, vnder s' gesicht kumpt / mußman die *Cincta* auch von gleiche  
vnderstehen größer zu machen, vnnnd als die *Basis* oben dem gesichte stehet es seig auff *stilobati*, ober  
andersins mußman die vnderste listten bratter machen / vnnnd also mußman das schön gesichte  
entgegen gehen / weiter vmb die größe des *Thorus*, seind da viel sinnliche gaisser die den *Basis* nitte  
wol gefelt / darumb hab ich auß *Sebastian Serli*, alhie ein ander ben gefugt / wie ihr in diese *Figür*  
sehen kont / vnnnd das auff die gattung / die *Plinth* so vorgmelt gmacht seinde die rest dar nach in  
dreyen getheilt eines von diesen sol das *Thorus* haben / die andre getheilt in sechs / ein von denen  
sol ein *Astralogo* mitt getheilt worden mitt sein *Cincta* oder listte / doch die *Cincta* halb so brait als den  
*Astralogo*, die *Cincta* vnder das *Thorus* seig so brait als den *Astralogo*, vnd das vberbleibend hab den  
*Scothia*, das ander drittheil auch in sechs getheilt / ein zum *Astralogo*, ein halb getheilt zu die *Cincta*,  
vnnnd von gleiche auch die *Cincta* auff den *Plinth* rühend / vnnnd die vier gedeilten fur die *Scothia*,  
weiter das *Capitell* macht man hoch / von das ein dritten theil der Calomnen von vnder / vnnnd das  
vorderst des *Abacus* macht man brait / von einer Calomnen dickhe mit ein achtzehnde theil dar zu /  
welches zu sammen neünzehen theil seind / ander halb theil inwards soltman de *lini Catheta* zehen /  
auff lenge von neün theillen vnd ein halben / hangend vber das mittel des *Capitells*, d' *Abacus* sol  
hoch sein anderhalb theil / welche *Eckhen* nach die rechte / oder linckhe seit gezogen / ist eben eins  
wie